

Kijigamadan kinijanish nan mamowi ka ija kinamagoziyats agwa kidja akoziyats.



Ka kinamagoziyats oda akozi mizinigan

Ndenimitc kidja kinamagozits kinijanish Ontario, panima kida pidikowaginiyok weni odja akozowini:

- Meningococcal disease akozowin
- Pertussis (whooping cough) osidimowin akozowin
- Varicella (chickenpox) akozowin (abinodjishik kagi nigiyats 2010 koni apits)
- Diphtheria akozowin
- Tetanus akozowin
- Polio akozowin
- Measles akozowin
- Mumps akozowin
- Rubella akozowin

Ishpin kodik ndendimin mishkiki, oma ijan Ontario's Immunization Schedule at ontario.ca/vaccines.

Nosaniyan Ontario omiginigan awik pidikowaginitc

Eh-ija onigigowin, kidja mino madizits kinijanish pinigots nigansidjigadeh, kina abinojishik 4 nash 7 ka tisoboneziyats, panima oga nosiniyanawa Ontario omizinigan awin pidikowadjian odja, tedigo maneh akozowin tigon acits ka ija kinamagoziyats odja obowadowehmigan.

Yedi *Immunization of School Pupils Act*, panima oga ayanawa abinojishik omiziniginiya kagi pidikowaginiyats yeni odja akozowini diphtheria, tetanus, polio, measles, mumps, rubella, meningococcal disease, whooping cough ka ijinkadenik, mamowi – abinodjishik kagi nigiyats 2010 koni apits – chicken pox kidja kishka kinamagoziyats, koni ishpin ayamowats mizinigani ka ikadomiganik agwa eh-ndendimowats abinodjishik agwa kagi pidikowaginiyats kan kida kishka kinamagozisiyok.

Keh todamin

Kagwedjim ki-mishkinim ashkwen kina kidji ki-minaginitc kidja pidikowaginitc kinijanish kidja kishka kinamagozits, ashkwen kidja nosiniyamin awik pidikowaginitc odja, kan mankatc kodik kiga ndendisin mankatc kidja pidikowaginitc

Kiga kendan nah kin panima kidja nanagidjitowin ashkwen ki nijanish kina kidjigi minaginitc kina kidja pidikowaginitc? Kan weni kiga widimaksin ki mishkinim koni kano ga mizinasin panima got widimotc. Ishpin wi mikimin keh ijayin, koni ishpin kiyabits winda kendimin wedi akozi mizinigan oma kijigabidan ontario.ca/vaccines.

Kina kinidenmidmin kidja kinenmidik.

Wedi pidikots kinijanish, kidoshton agwa kidja akozits mamowi kodigik abinojishik.

Oshmesh 200 minigik tisobon, wedi mishkiki maneh awik onadamagon!

Odapinan wedi mishkiki, agwa kidja akoziyek wedi akozowin.

PERTUSSIS WEDI KA IJINKADEK (ka osisidinanok)

Wedi osisidimowin maneh awik tedigo wibitc onojibidonawa, abinojishik, weshkinigijik mamowi kehtehyak. Oda kidimigon weni tcidji. Wedi osisidimowin, ta- shigogwe koni kan ta-kishka nesehsin abinojish, wehnibik. Tedigo ta-sinigani kidja nehsetc, mamowi kotc oda onadjigon tcidji oshtigwan kak, kidja opinigotc.

VARICELLA (chickenpox) ka ijinkadek

Chickenpox ka ijinkadek akozowin, wibitc awik onodjibidon, kida kitimnan, tewkwe, kijizowapineh nash gotc 39 °C, ki-kikidamjijonon mamowi kiga wisigendan ki wiyo nigogijik koni nijigijik agwa mishi matsek kidja miskozin koni kidja kinigiziwin. Tedigo kitcha akozowin wedi, kida nojibidon kidja akozimigak kijiga, kidja akozitogewin mamowi kiga midonom'nin.

MENINGOCOCCAL DISEASE KA IJINKADEK AKOZOWIN

Meningococcal nojibidowin, tedigo kiga akozinan, mamowi gotc Meningitis, Meningitis wedi, panima kiga nanagidjiton, awik ki peshwamitc ka "miyodok" weni akoziwini. Meningococcal disease akozowin ka ijinkadek, ta-odja pitcibodjigemgan ki-miskwi kak mamowi ki widip acitc ki-wogan kak.

TETANUS AKOZOWIN

Tetanus akozowin koni lockjaw ka ikidowatc, ishpin ka windik ima pidigesek kijiga kak, kida odja opinigonan mamowi kida shigogweh.

DIPHTHERIA AKOZOWIN

Tedigo kida akozinan ki-kiyon kak, ki-gitckwa kak mamowi kijiga kak.kiga akozogidjishkwe, kijizowapneh mamowi kiga kikidinjiyanon. Diphtheria wedi, kida pohneton kidja nesewin, kiga akozideh mamowi kida onashton ka pidjimitctowin kegon.

POLIO AKOZOWIN

Polio akozowin, awik minokwetc nibini koni mijik mijimni tigonik dish yeni ima polio virus akozowin ka ijinkadek. Kida kishka mindinawa. Kida onashton ka ija pidjimitctowin kegon yedi nojibidowin Polio akozowin, oda poneton kidja mosetc koki awik koni oda oniton obamadiziwin.

MUMPS AKOZOWIN

Mumps akozowin kewin wibitc kida kishka nojibidon, kida kenda apitc tewkweyin, kijizowapinewin, mamowi kida pakshinan ki-nowah kak, ki wibida kak mamowi ki-gowa kak. Kan kida ozitehsin acitc kida pakshinan ki-widip kak.

MEASLES AKOZOWIN

Measles akozowin dish win maneh akozowin, kida kijizowapneh, osisidim, kida miskojigeh, ojigowin ki-kiyon mamowi kida miskwa kishkijik. Measles akozowin kida midownamonan acitc kida akozotogeh.

RUBELLA MEASLES AKOZOWIN

Rubella Measles akozowin wibitc kewin kida nojibidon, kida kewkweshkagon Rubella, kida kinigizinan, tewkweh, ojigowin ki-kiyon mamowi ta-miskwa kishkijik (conjunctivitis akozowin). Tedigo oda animigon awik ka miyownsitc mamowi odjijdjiman, mamowi ketehyak ta-akozikineyok.

Kendin wedi:

Abinojishik agwa ayamowatc weni mizinigani kidja mizinadenik ehgi pidikowaginiyatc weni akozowini odja, kan kida pigidinaginisiyok kida kinamagoziyatc, panima gotc ayamowatc weni akozi mizinigani.

Ishpin kinijanish ndendik mizinigani ishpin agwa ki pidikowaginitc, kinosh ki-mishkinim. Panima kiga kinamago yedi odja ishpin agwa ndendimin kidja pidikwaginitc kinijanish. Abinojishik agwa ka ndendimowatc kidja pidikowaginiyatc, ishpanigani notc kidja nojibidotc weni akozowini acitc kida sagidinaginiyo ka ija kinamagoziyatc apitc pidigemigak wedi akozowin.